

CUMÜN DA SCUOL



Ordinaziun d'ustaria
cun tariffas per las taxas

CUNTGNÜ

	Artichel
I. In general	
Basa / mera	1
II. Cumpetenzas	
Direcziun	2
Pulizia cumünala	3
III. Taxas	
Tariffas per las taxas	4
IV. Disposiziuns finalas	
Entrada in vigur	5

Per personas, funcziuns e mansters vain dovrada per princip la fuorma masculina. Ella as referischa adüna a tuots duos geners.

I. In general

Art. 1 Basa / mera

- 1 La basa da quist'ordinaziun es la Ledscha d'ustaria dal cumün da Scuol (art. 10 al. 2 ed art. 11). Tuot ils artichels nomnats in quist'ordinaziun as referischan a quista ledscha.
- 2 Quist'ordinaziun regla las cumpetenzas pro l'execuziun da la ledscha e fixa las taxas.

II. Cumpetenzas

Art. 2 Direcziun

- 1 La direcziun ha particularmaing las seguaintas incumbenzas:
 - a) dar permiss per manar üna gestiun d'ustaria tenor art. 2 al. 1 (in cumbinaziun cun art. 5 al. 1)
 - b) dar permiss per ustarias occasiunalas e da festa tenor art. 3 al. 1 (in cumbinaziun cun art. 5 al. 1)
 - c) dispuoner uras da serrada specialas tenor art. 9 al. 3
 - d) müdar o abolir uras da serrada tenor art. 9 al. 4
- 2 La direcziun decida scha üna cumpetenzza da decider o ün'incumbenza nun es surdatta o surdatta cleramaing. Ella po delegar incumbenzas e cumpetenzas.

Art. 3 Pulizia cumünala

- 1 La pulizia cumünala (resp. l'organ chi surpiglia las incumbenzas da la pulizia cumünala) ha particularmaing las seguaintas incumbenzas:
 - a) controllar scha las uras da serrada vegnan rispettadas
 - b) far valair la protecziun da la giuventüna

III. Taxas

Art. 4 Tariffas per las taxas

- 1 Las seguaintas taxas vegnan inchaschadas (CHF):
- | | |
|--|------------------------------|
| a) conceder ün permiss d'ustaria | 50.00 – 400.00 ¹⁾ |
| b) müdar ün permiss d'ustaria | 150.00 |
| c) retrar ün permiss d'ustaria | 300.00 |
| d) prolongar ils temps d'avertüra tenor art. 9 al. 4 | 500.00 ²⁾ |
- ¹⁾ tuot tenor la grondezza da la gestiun
²⁾ per on

IV. Disposiziuns finalas

Art. 5 Entrada in vigur

- 1 Quist'ordinaziun aintra in vigur – davo cha la suprastanza cumünala tilla ha approvada – als 1. schner 2016.
- 2 Ella rimplazza las disposiziuns respectivas dals anteriurs cumüns d'Ardez, Ftan, Guarda, Scuol, Sent e Tarasp. Cull'entrada in vigur da quist'ordinaziun sun abolidas tuot las prescripziuns da plü bod, tant inavant chi tilla cuntradischan.

La suprastanza cumünala ha approvà quist'ordinaziun als 7 december 2015.

IN NOM DA LA SUPRATANZA CUMÜNALA

Il president:

Il chanzlist:

Christian Fanzun

Andri Florineth